

INUIT ATAQATIGIIT

INATSISARTUNI



18. august 2023

UKA2023/49

Inatsisartut Suleriaasianni § 33 naapertorlugu aalajangiiffisassatut siunnersuut imaattoq saqqummiuppar.

Naalakkersuisut – Inatsisartuni ataatsimiititaliaq suleqatigalugu – Kalaallit Nunaanni Inatsit Tunngaviusussaq pillugu missingiutip, Inatsit Tunngavisussaq pillugu Isumalioqatigiissitat suliarisaata suliareqqinnejarnissaanik piaartumik qulakkeerinnejqullugit inatsisartut aalajangiiffisassaattut siunnersuut. Suliareqqiinermi ilaatigut innuttaasut, ilinniarfeqarfiit soqutigisaqaqatigiillu kattuffii peqataatinneqassapput.

(Inuit Ataqatigiit Inatsisartuni ilaasortaatitaat)

Tunngavilersuut:

Inatsit Tunngaviusussaq pillugu Isumalioqatigiissitat Kalaallit Nunaanni tunngaviusussamik inatsisissamut missingiut ulloq 28. Apriili tunniuppaat.

Isumalioqatigiissitat Inatsisartut imatut aalajangiinerat (UKA 2016/39) tunngavigalugu pilersinneqarput:

Nunatsinni tunngaviusumik inatsiseqalernissaanik siunnersuusiortussamik isumalioqatigiissitatamik pilersitsinissaq Inatsisartut Naalakkersuisunut piginnaatitsissummik tunniussinissaat siunertaralugu Inatsisartunut aalajangiiffissatut siunnersuut.

Inatsisartut ataatsimiititaliamik sulinasuartussamik pilersitsissapput ("Tunngaviusumik Inatsisissaq pillugu Isumalioqatigiisitaq pillugu Ataatsimiititaliaq"), Inatsisinut Ataatsimiititaliamut ilaasortanik, partiinit attaviitsumillu Inatsisinut Ataatsimiititaliamut ilaasortaatitaqanngitsunit tamanit aallartitanik taaseqataasinnaanngitsunik ilaasortaqartumik. Ilasortat taaseqataasinnaanngitsut ataatsimiititaliam iulinermut taaseqataasinnaanatik peqataassapput.

Naalakkersuisut isumalioqatigiisitat suliassaatut aalajangersakkat, katitigaanera, pilersinneqarnera sulineralu pillugit ataatsimiititaliaq ilisimatittassavaat.

Ilaasortat taaseqataasinnaanngitsut ataatsimiititaliam iulinermut taaseqataasinnaanatik peqataassapput. Naalakkersuisut isumalioqatigiisitat suliassaatut aalajangersakkat,

katitigaanera, pilersinneqarnerasulineralu pillugit ataatsimiititaliaq ilisimatittassavaat.

Inatsisartut isumalioqatigiissitap isumaliutissiissutaal Inatsisartuni suliarineqassanersoq qanorluunniit suliarineqassanersoq isumalioqatigiissitap pilersinnejnerani ajoraluartumik isummerfiginngilaat.

Inuit Ataqatigiit isumaqarput Inatsisartut aamma Naalakkersuisut qanumut suleqatigiinnerisigut Inatsit Tunngaviusussaq pillugu Isumalioqatigiissitap isumaliutissiissutaanik sukumiisumik nangitseqqiinissaq pingaaruteqartoq.

Inuit Ataqatigiit aamma isumaqarput, innuttaasunik, ilinniarfeqarfennik soqutigisaqaqatigiillu kattuffiinik oqaloqateqarluni ataatsimeeqateqarnerit, innuttaasunut paassisutissiineq ilanngullugu, sulinermi ilanngunneqarnissaat pingaaruteqartoq.

Kalaallit Nunaanni tunngaviusumik inatsit Kalaallit Nunaata Oqaluttuarisaanerani pingartaartuusussaavoq. Taamaammat tamat oqartussaaqataaneranni oqaloqatigiinnernik oqallinninnerlu tunngaveqassaaq.

Tamanna tunngavigalugu Inuit Ataqatigiit kissaatigaat Naalakkersuisut aamma Inatsisartut suleqatigiillutik sukumiisumik, peqataatitsilluni ukiunilu arlalinni suliarineqarnissaa qulakkiissagaat.

Pisortanut aningaasatigut allaffissornikkullu kingunerisassai:

Aningaasatigut allaffissornikkullu kingunissaanut Inatsit Tunngaviusussaq pillugu Isumalioqatigiissitat isumaliutissiissutaannik nangitseqqiineq qanoq ingerlannejnerannik, innuttaasunik peqataatitsinerup annertussusissaa tamannalu qanoq pissanersoq apeqqutaassapput. Sanissiussilluni ilisimatitsissutigineqarsinnavoq, Namminersorneq pillugu Kalaallit Nunaata Danmarkillu Isumalioqatigiissitaasa isumaliutissiissutaannik nangitseqqiinissamut 2008-mut aningaasanut inatsimmi 4,26 mio. kr-t immikkoortinnejnerut. Aningaasaliissutit akissarsianut aningaasartuutinut paasisitsiniaanermi aningaasartuutinut, tassunga ilanngullugit innuttasunik ataatsimiitsinernut, matussutaapput. Kisianni inuuttaasunik ataatsimiitsinernut aningaasaliissutit tapiliussamik aningaasaliissutit pillugit inatsisikkut tamassuma kingorna 1,4 mio.kr-nik ilaneqarput.

Namminersortunut aningaasatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.